

**ଥେସଲନିକୀୟମାନଙ୍କ ନିକଟକୁ ପାଉଲଙ୍କ
ପ୍ରଥମ ପତ୍ର
ଥେସଲନିକୀୟଙ୍କଠାରେ ତାଗ୍ରା ପାଉଲ୍‌ଙ୍କ
ପରତୁମ୍ ଉଲିଆଃ
ଥେସଲନିକୀୟ ବଇ ବିସୟରେ
ଉଠଡ଼ିକ୍ଲିଗ୍ ସାମୁଆଁ**

ମୁଲ୍ ଥେସଲନିକୀୟ ବେଙ୍ଗେ ପାଉଲ୍ ବାନ୍ ଗୁଆରବଗେ:୧ । ଆକେନ୍ ତିଂଲେଃଏ ପାଉଲ୍‌ଙ୍କେ ବାନ୍ ମୁଲ୍ ଉଲିଆ ଗୁଆରବଗେ ବାରି ଆଡେନ୍ ବାଇବଲ୍‌ଙ୍କେ ମୁଲ୍‌ଙ୍କ ବାଗ୍ ଲେଃକେ । ଆକେନ୍ ଜିସୁ କ୍ରିସ୍ଟୁଙ୍କେ ଜନମ୍‌ଙ୍କେ ଡେପେଂଟାଃନେ ଃ୧ ମୁଆଃ ଇଡ଼ିକ୍ ଗୁଆରବକେ । ପାଉଲ୍ ଉଡ଼ିବେଲା ଥେସଲନିକୀୟ ମଣ୍ଡଳିକେ ଉଲିଆ ଗୁଆରବକେ ଅଃଡେନ୍ ବେଲା ମେଁ କରନ୍ତିୟ ମଣ୍ଡଳିକିଆ ଲେଃଗେ । ମୁଡ଼ି ମଣ୍ଡଳିକେ ମେଁ ୨ ମିସ୍ନାରି ଅଲେକ୍ ଖେ ବେଲା ଆଡେନ୍ ମଣ୍ଡଳି ଆଃରେବଗେ ପ୍ରେରିଡ଼ ୧୭:୧-୧୦ । ଆକେନ୍ ପ୍ରେରିଡ଼ ଉଲିଆକିଆ ବାସଂବକେ ଜେ ଆକେନ୍ ଉଡ଼ିକ୍ଲିଗ୍ ଜିହୁଦି ବାରି ଉଡ଼ିରୁଆ ଗ୍ରୀକ୍ ବ୍ଲାସାରେ ବାସଂଡ଼ିକ୍‌ଙ୍କେ ରେମୁଆଁଙ୍କଂନେ ବାନ୍ ଆଃରେବଗେ ।

ପାଉଲ୍ ମଣ୍ଡଳି ଆଃରେକ୍ ଇଡ଼ିକ୍ ମେଁ ମାଲେ ଦିନ୍ ଥେସଲନିକୀୟକିଆ ଲେଃଆୟାକେ ଶୁ । ତେନ୍‌ସା ସାରାସାରିକିଆ ଆଡ଼ତେ ଲେଃକେ ବିସ୍‌ବାସିକ୍‌ଙ୍କେ ସାଆସ୍ ବିନେସା ମେଁ ଆକେନ୍ ଉଲିଆ ବକେ । ମୁଲ୍‌ଙ୍କ କ୍ରିସ୍ଟୁୟାନ୍ ଡିରକମ୍ ମୁ_ନେ ତିଂଏ ଆକେନ୍ ଉଲିଆକିଆ ଉଠଡ଼ି ସାମୁଆଁ ବାରି ବିନ୍‌ବିନ୍ ମାମୁଲ୍ ଆଦେସ୍ ଲେଃକେ ।

ପାଉଲ୍ ଉଡ଼ିଗାନ୍‌କିଆ ବାରମୁଇଂତର୍ ପାଙ୍ଗ୍‌ଙ୍କେ ବିସ୍‌ଏରେ ମନ୍ ଆଃମିସୁ ବିଆର୍‌ଏ । ତିଂୟାଏ ଥେସଲନିକୀୟ ମଣ୍ଡଳିକେ ବିସ୍‌ବାସିକ୍‌ଙ୍କେ ବିନ୍ ବାବେ ଆକେନ୍ ବିସ୍‌ଏରେ ମ୍ୟାଃଲେଆରଗେ । ପାଉଲ୍ ମ୍ପାର୍‌ତର୍ ପାଙ୍ଗ୍‌ଙ୍କେ ବିସ୍‌ଏରେ ବାସଙ୍‌ଡେ ଡିରକମ୍

ଇସ୍ପରକେ ସାଦ୍ୱା ଆଃଡ଼ିନେ ସୁଗୁଆ ବୁଆ ଡିକେଃ ଡିନେ ନ୍ସା ଆଦେସ୍ ବିଏ ୫:୭-୮ ।

ସାସ୍ତ୍ର ବିତ୍ତେ ଲେଃକ୍ସେ ସାମୁଆଁଇଂ

- ୧. ପାଉଲ୍ ମଣ୍ଡଲିକେ ସାର୍ଲ ଆମ୍ୟାତେ ବାରି ଇସ୍ପରକେ ଦନ୍ୟବାଦ୍ ବିଚେ ଆକେନ୍ ଉଲିଆ ଆରାମ୍ । ୧
- ୨. ଇଡ଼ିଙ୍ଗ୍ ତେନ୍ ତିମତି ତୁଂପାଙ୍ଗ୍‌ବକ୍ସେ ବାରି ମେଁନେ କାମ୍ ବିସଏରେ ଆଃବୁଜେକେ । ୨:୧-୩:୧୩
- ୩. ପାଉଲ୍ ଆଦେସ୍ ବିଏ ଜେ କ୍ରିସ୍ଟିୟାନ୍‌ଇଂ ଜିସୁ କ୍ରିସ୍ଟିନେ ବାରି ପାଙ୍ଗ୍‌ନେ ତାକ୍ ଗନ୍ନିଆ ଡିରକମ୍ ବୁଆ ଡିକେଃ ଡିନେ ଦରକାର୍ । ୪:୧; ୫:୧୫
- ୪. ପାଉଲ୍ ଆରମୁଇଂତର୍ ମଣ୍ଡଲିକେ ସାର୍ଲ ଡିଙ୍ଗ୍‌ଡିକ୍ସେ ବାରି ଆମେଇଂକେ ସଦ୍ ବାବ୍‌ରେ ଚିଟି ଲଃନେସା ବାସଂଚେ ଆଃଡାଡିଂକେ । ୫:୧୭-୨୮

୧*ପାଉଲ୍ ସିଲ୍ଲାନ ବାରି ତିମତିନେ ତେସଲନିକିୟନ୍ନିଆ ଲେଃକ୍ସେ ରେମୁଆଁଇଂନେ ଆବା ଇସ୍ପର ବାରି ମାପୁ ଜିସୁ କିସ୍ଟିନେ ବିସବାସି ମଣ୍ଡଲିକେ ଏନ୍ ଉଲିଆ । ଆବା ଇସ୍ପର ବାରି ମାପୁ ଜିସୁ କ୍ରିସ୍ଟିନେ ଲିବିସ ବାରି ସାନ୍ତି ଆପେକେ ଲେଲେ ।

ତେସଲନିକିୟଇଂନେ ନ୍ସା ଜିବନ୍ ବିସବାସ୍

୨ ନେନେ କାଲାଆଃ ପେନେ ସାପାରେ ନ୍ସା ଇସ୍ପରକେ ଦନ୍ୟବାଦ୍ ବିଚେ ଲେଃଏ ବାରି ନେନେ ପାର୍ତନାନ୍ନିଆ ପେନେ ବିସୟରେ କାଲାଆଃ ଆମ୍ୟା ନେମ୍ୟାଃକେ । ୩ ନେ ଆବା ଇସ୍ପରନେ ତାଗ୍ରା ସୁମରନା ଡିଙ୍ଗ୍‌ନେମ୍ୟାକେ ଡିରକମ୍ ପେଇଂ ନିଜର୍ ବିସବାସକେ ସ୍ଲେନିଆ ଆମିସୁ ପେବକେ ଆଲାଦ୍‌ନିଆ ଚାଗ୍ ଲାଣ୍ଡାଚେ ଡିରକମ୍ ତାଟ୍‌ରେ କସ୍ଟ ପଡ଼େପେଡିଙ୍ଗ୍‌କେ ବାରି ନେନେ ମାପୁ ଜିସୁ କିସ୍ଟିନେ ତାଗ୍ରା ପେଇଂନେ ଆସା ଡିରକମ୍ ତାଟ୍ । ୪ ବୟାଁ ବାରି ତନାଇଂ ନେନେ ମ୍ୟାନେଲେକେ ଜେ ଇସ୍ପର ଆପେକେ ଆଲାଦ୍ ଡିଂଡିଂକେ ବାରି ମେଇଂନେ ନିଜରୁନେ ରେମୁଆଁ ଡିଙ୍ଗ୍‌ନେ ସା ଆପେକେ ସ୍ତ୍ରି ବକେ । ୫ ମାତର୍ ସାମୁଆଁନ୍ନିଆ ଶ୍ରୁ ପୁବିତ୍ତ ଆମାନେ

☆ ୧:୧ ୧:୧ ପ୍ରେରିଡ୍ ୧୭:୧.

ସାଇଜରେ ବସୁନେ ଏତେ ନିମାଣ୍ଡାସାମୁଆଁନେ ସତକେ କ୍ଲିଗତା ବାବରେ ଗୁଆରତେ ନେନେ ଆତେନ୍ ପେନେ ତାଗ୍ରା ବାସଂ ନେବଗେ । ପେଇଂ ପେମ୍ୟାକେ ପେ ଏତେ ଲେକ୍ଷନେବେଲା ନେନେ ଡିରକମ୍ ତୁଆ ତିଂକେ ଡିଙ୍ଗନେଲେକ୍ଷଗେ; ଡିରକମ୍ ପେଇଂନେ ନିମାଣ୍ଡା ନେନେ ଜିବନ୍ନେ ଆସା ଲେକ୍ଷଗେ । ^୬ ☆ପେଇଂ ଆନେକେ ବାରି ନେନେ ମାପୁନେ ପ୍ଲା ଝେପେଲେକ୍ଷଗେ ବାରି ମାଲେ ତଣ୍ଡ ପେବାଲା ତିଗ୍ ପବିତ୍ର ଆମ୍ବାନେ ବାନ୍ ବାଲେକ୍ସେ ସାର୍ଦା ଏତେ ଆତେନ୍ ନିମାଣ୍ଡାସାମୁଆଁନେ ସାଃ ପେଲେଗେ । ^୭ ତେସା ପେଇଂ ମାସିଦୋନିଆ ବାରି ଆଖାୟାନ୍ନିଆ ଲେକ୍ଷକ୍ସେ ସାପା ବିସ୍ବାସିଇଂନେ ଆଡ଼ଲା ନିମାଣ୍ଡା ରେମୁଆଁ ସୁଗୁଆ ଡିଙ୍ଗପେଲେଗେ । ^୮ ପେଇଂନେ ତାଗ୍ରା ଜା ମାତର ମାପୁନେ ନିମାଣ୍ଡା ସାମୁଆଁ ମାସିଦୋନିଆ ବାରି ଆଖାୟାନ୍ନିଆ ବେପ୍ରେ ଝେଲେଗେ ଆତେନ୍ ଶୁଃ ମାତର ପେଇଂନେ ଇସ୍ପରନେ ବିସ୍ବାସ୍ ସାମୁଆଁ ସାପା ପାକା ଦେକ୍ ରକମ୍ ବାବରେ ନା ଲେକ୍ଷକେ ଜେ ଏନ୍ ବିସ୍ମରେ ନେନେ ବାରି ମାଲେ ମେଃଡିଗ୍ ବାସଂନେ ଦରକାର୍ ଶୁଃ । ^୯ ନେନେ ପେ ତାଗ୍ରା ଝେନେ ବେଲା ପେଇଂ ଡିରକମ୍ ଆନେକେ ସାର୍ଦାରେ ପେସାଃକେ ବାରି ମୁର୍ତ୍ତ ପୂଜା ଆନ୍ତାରେଃ ସତ୍ ବାରି ଜିବନ୍ ଲେକ୍ସେ ଇସ୍ପରନେ ପାରତନା ଡିଙ୍ଗନେସାଃ ସେନୁଗ୍ ପାଙ୍ଗପେଲେକ୍ଷଗେ; ^{୧୦} ବାରି ଡିରକମ୍ ଇସ୍ପରନେ ରିସାବାନ୍ ଆନେକେ ରକ୍ୟା ଡିଙ୍ଗନେସାଃ ଗୁଏକ୍ସେବାନ୍ ତଡିଆଲେକ୍ସେ ମୈନେ ଉଙ୍ଗତେ ଜିସୁ ବାରିପାଙ୍ଗନେକେ ପେଇଂ ଉରଲେତେ ପେଲେକ୍ଷକେ ଏନ୍ ସାପା ବିସ୍ମରେ ଆଡ଼ତାଗ୍ରାନେ ରେମୁଆଁଇଂ ବାଃଲିରବାତା ତିଂଆରଡିଂକେ ।

୨

ତେସଲନିକୀୟନ୍ନିଆ ପାଉଲ୍ନେ ସେବା କାମ୍

^୧ ଅ ନେନେ ନେବୟା ବାରି ତନାଇଂ ! ପେଇଂ ନିଜେ ମ୍ୟାଃପେଲେକ୍ଷକେ ଜେ ପେନେ ତାଗ୍ରା ନେନେ ବାରିପାଙ୍ଗନେ ସରାଃ ଆଡିଙ୍ଗକେ ଶୁ । ^୨ ତେସଲନିକୀୟନ୍ନିଆ ପେଇଂନେ ତାଗ୍ରା ପାଙ୍ଗନେ ସେନୁଗ୍ ପିଲିପ୍ପିନ୍ନିଆ ନେନେ ଆଡ଼ାତ୍ରା ଡିରକମ୍ ଦବ୍ୟା

☆ ୧:୬ ୧:୬ ପ୍ରେରିଡ଼ ୧୭:୫-୯.

ବାଃଲିରବାଃତା ବାରି ଅପମାନ ଆଡିଙ୍ଗବଆର୍ଗେ ଆଡେନ୍ ପେଇଂ
 ମ୍ୟାପେଲେକେ । ତେଲାଡିଗ୍ ଗୁଲୁଏ ବିରଦ୍ ଡିଙ୍ଗବଲା ଡିଗ୍
 ଇସପରନେବାନ୍ ବାଲେକ୍ନେ ନିମାଣ୍ଡାସାମୁଆଁ ଆପେକେ ଆଆଁ ନ୍ୟା
 ମେଁ ଆନେକେ ସାଆସ୍ ବିଃବଗେ । ୩ ଡାଗ୍ଲା ମେଃଡିଗ୍ କାବା ବା
 ଅସାଦୁତା ଇକ୍ଟା ଆଲେଃଗେ ଶୁ କ୍ରି ଆପେକେ ନାଲେ ନ୍ୟାଃ ନାଲେ
 ବଗେ । ୪ ପରମେସର୍ ଆନେକେ ପରିକ୍ୟା ଡିଙ୍ଗରେ ବାରି ବିସ୍ବାସ୍
 ଡିଙ୍ଗରେ ନିମାଣ୍ଡା ସାମୁଆଁ ବାସଙ୍ଗ୍ ଅଲେଙ୍ଗ୍ନେ ଦାଇଡ୍ ବିଃବଗେସାଃ
 ନେନେ ନିମାଣ୍ଡାସାମୁଆଁ ବାସଙ୍ଗ୍ ଡିଙ୍ଗ୍ନେଡିଙ୍ଗ୍କେ । ଉଡିବେଲା
 ନେନେ ମେଃଡିଗ୍ ନେବାସଙ୍ଗ୍ ରେମୁଆଁଇଂକେ ପାସେକେ ସୁଗୁଆ
 ଶୁ ପରମେସର୍କେ ମ୍ଲେଡ୍ୟା ଆଡିଂନେ ନେନେ ଉଦେସ୍ ଲେଃକେ
 ପରମେସର୍ ନେନେ ମନ୍କେ ପରିକ୍ୟା ଡିଂଏ । ୫ ପେଇଂ ନିମାଣ୍ଡା
 ବାବରେ ମ୍ୟାପେଲେକେ ଜେ ନେନେ ଦଦିଆ ସାମୁଆଁ ବାସଙ୍ଗ୍ରେ
 ପେ ଡାଗ୍ରା ପାଙ୍ଗ୍ନେଲେକେ ଶୁ ଶୁଲା ନେନେ ଲବ୍କେ ଆଃସୁଏନ୍ସା
 ପେ ଡାଗ୍ରା ଚାଲାକି ବାଃଲିରବାଃତା ଡିଙ୍ଗ୍ ନେବଗେ ଶୁଏନ୍ ବିସ୍ମରେ
 ଇସପର ନେନେ ସାକି । ୬ ପେଇଂନେବାନ୍ ଶୁଲା ବିନ୍ ଜାଣ୍ଡେବାନ୍ ଡିଗ୍
 ପ୍ରସଂସା ବା ନ୍ୟାଃ ନେନେ ଚେସ୍ଟା ଡିଙ୍ଗ୍ନେବଗେ ପେ ଡାଗ୍ରାବାନ୍
 କି ବିନ୍‌ଶ୍ଟେବାନ୍ ଶୁ । ୭ ଜଦି କିସ୍ଟନେ ବେବକ୍ନେ ସିସ୍ ସୁଗୁଆ
 ନେନେ ପେଇଂବାନ୍ ଆଡେନ୍ ଦାବି ଡିଂ ନେପାୟା । ମାତର୍ ଇୟାଙ୍ଗ୍
 ଡିରକମ୍ ନିଜର୍ ଉଂଡେଇଂନେ ଜଡ୍‌ନ ତୁଂତବଏ ପେଇଂନେ ଡାଗ୍ରା
 ଲେଃନେ ବେଲା ନେନେ ପେଇଂନେ ଆଡାଡ୍ରା ଦେଡ୍‌ରକମ୍ ଲିବିସଃ
 ବାଃଲିରବାଃତା ଡିଙ୍ଗ୍ନେବଗେ । ୮ ପେଇଂନେ ଆଡାଡ୍ରା ନେନେ
 ଆଲାଦ୍ ନ୍ୟାଃ ଆପେକେ ମାତର୍ ଇସପରନେ ନିମାଣ୍ଡାସାମୁଆଁନେ
 ଆଃମିସୁଃ ନେବଗେଶୁ ମୁାତର୍ ପେନେ ନ୍ୟାଃ ନିଜ୍‌କେ ଦାନ୍ ବିଃନ୍ସା
 ଡିଗ୍ ନେନେ ଆର୍ମେ ନେଲେଃଗେ । ପେ ନେନେ ଉଡି ନିଜର୍ ଡିଙ୍ଗ୍
 ପେଲେଃଗେ । ୯ ବୟାଁ ବାରି ତନାଇଂ ପେନେ ସଡେଆଃ ମନେ
 ଲେଃଏ ନେନେ ଡିରକମ୍ ମାଲେ କସ୍ ଡିଂଚେଃ ସ୍ଲେ ନେଡିଂଗେ;
 ଡିରକମ୍ ପେଇଂନେ ଡାଗ୍ରା ଇସପରନେ ନିମାଣ୍ଡାସାମୁଆଁ ବାଃଲିରନେ
 ବେଲା ପେନେ ଆଡାଡ୍ରା ଲିଗିଙ୍ଗ୍ ଆଡିଙ୍ଗ୍ ନ୍ୟାଃ ନେନେ ସ୍ପିମିଡିଗ୍
 ଜାବର୍ କସ୍ଟ ଡିଙ୍ଗ୍ନେବଗେ ।

୧୦ ପେଇଂ ବାରି ନିଜେ ଇସପର ନେନେ ସାକି ପେ ରକମ୍

ବିସ୍‌ବାସିଙ୍କଠାରେ ତାଗରା ନେନେ ବେବଆର ନିମାଣ୍ଡା ନ୍ୟାୟ ବାରି ଦସ୍ ଆଲେଃରେ । ^{୧୧} ପେଇଁ ମ୍ୟାପେଲେକେ ଜେ ଆବା ଡିରକମ୍ ନିଜର୍ ଗଗିସିଆଃଇଁନେ ଆଡ଼ାତ୍ରା ବାଃଲିର୍‌ବାଃତା ତିଁ ପାବ ନେନେ ପେଇଁ ଆଡ଼ାତ୍ରା ସମାନ୍ ଦେଡ଼ରକମ୍ ବେବଆର ତିଁନେବଗେ । ^{୧୨} ନେନେ ଆପେକେ ସାର୍ଦା ଆଡ଼ିଙ୍ଗ୍ ନେବଗେ ସାନ୍ତି ବିଃନେବଗେ ବାରି ପେଇଁ ଡିରକମ୍ ଇସ୍‌ପରନେ ଆଦେସ୍ ସାଃରେ ମେଁନେ ରାଜି ବାରି ମଇମାଅରିଆ କୁଡ଼େନ୍‌ସାଃ ମେଁ ଖାକ୍ଲେ ରେମୁଆଁ ତିଁପେୟାଏ ଆକେନ୍‌ସାଃ ସାର୍ଦା ବିଃନେବଗେ ।

^{୧୩} ନେନେ ମେଃସା କାଲାଆଃ ଇସ୍‌ପରକେ ଦନ୍‌ଏବାଦ୍ ବିଃନେମ୍ୟା ମେଁନେ ବିନ୍ ମୁଇଙ୍ଗ୍ କାରନ୍ ତିଗ୍ ଲେଃକେ । ନେନେ ଉଡ଼ିବେଲା ପେଇଁନେ ତାଗ୍ରା ଇସ୍‌ପରନେ ସାମୁଆଁ ଡୁଙ୍ଗ୍‌ପାଙ୍ଗ୍‌ନେବଗେ ପେଇଁ ଆଡେନ୍ ରେମୁଆଁନେ ସାମୁଆଁ ତାଗ୍‌ରେ ମନେ ଆଡ଼ିଙ୍ଗ୍‌ରେ ଇସ୍‌ପରନେ ସାମୁଆଁ ସୁଗୁଆ ଅଁପେଡ଼ିଁଗେ ବାରି ଗ୍ରାଅନ୍ ତିଁପେଲେଃରେ । ସତେଆ ଆଡେନ୍ ଇସ୍‌ପରନେ ସାମୁଆଁ ବାରି ପେଇଁନେ ସୁଗୁଆ ବିସ୍‌ବାସିଙ୍କଠାରେ ମନ୍ ବିଡ଼ରେ ଆଡେନ୍ ବୁଆରେଃ ଲେଃଏ । ^{୧୪} ✧ଅ ବୟାଁ ବାରି ତନାଇଁ ଜିହୁଦା ଦେସ୍‌ନିଆ ଲେଃକେ ଇସ୍‌ପରନେ ମଣ୍ଡୁଲିଇଁନ୍‌ନିଆ ବାରି ଆଡ଼ ଅରିଆନେ କିସ୍‌ଟ ବିସ୍‌ବାସିଙ୍କଠାରେ ଆଡ଼ାତ୍ରା ମେଃନେ ଗଟେଲେଃକେ ପେଇଁନେ ଆଡ଼ାତ୍ରା ତିଗ୍ ଦେଡ଼ ଗଟେ ଲେଃକେ । ମେଇଁ ଜିଉଦିଇଁନେ ବାନ୍ ଡିରକମ୍ ଦୁକ୍‌କସ୍ ବାଲେଃଆଗେଁ ପେଇଁ ତିଗ୍ ନିଜର୍‌ନେ ଦେସ୍‌ବାସିନେ ବାନ୍ ଦେଡ଼ରକମ୍ ଦୁକ୍‌କସ୍ ବାପେଲେଃକେ । ^{୧୫} ✧ଆଡେନ୍ ଜିଉଦିଇଁ ମାପୁ ଜିସୁକେ ବାରି ବାବବାଦିଇଁକେ ବାଗୁଏ ବଆରଗେ ବାରି ଆନେକେ ତିଗ୍ ଦୁକ୍‌କସ୍ ବିଃବଆରଗେ । ମେଇଁନେ ଆଡ଼ାତ୍ରା ଇସ୍‌ପର ଉଡ଼ି ସାଆ ଆଡ଼ିଙ୍ଗ୍ ! କ୍ଲିଗ୍‌ତା ରେମୁଆଁ ଜାତିନେ ମେଇଁ ସତୁ । ^{୧୬} ତାଗ୍ଲା ଜାଣ୍ଟେଇଁ ଅଣଜିଉଦିଇଁ ତାଗରା ଆମେଇଁକେ ଉଦାର୍ ବାନ୍‌ସା ମେଇଁନେ ତାଗ୍ରା ବାସଙ୍ଗ୍ ଆଡ଼ିଙ୍ଗ୍ ନ୍‌ସା ମେଇଁ ଆନେକେ କସ୍ ବିଃମ୍ୟାଆରକେ; ଦେକ୍ ରକମ୍ ମେଇଙ୍ଗ୍ କାଲାଆଃ ନିଜେ ନିଜେନେ ପାପ୍ ବତ୍ ଆଃଡ଼ିଙ୍ଗ୍‌ମ୍ୟାଆରକେ;

✧ ୨:୧୪ ୨:୧୪ ପ୍ରେରିଡ଼ ୧୭:୫. ✧ ୨:୧୫ ୨:୧୫ ପ୍ରେରିଡ଼ ୯:୨୩,୨୯; ୧୩:୪୫,୫୦; ୧୪:୨,୫,୧୯; ୧୭:୫,୧୩; ୧୮:୧୨.

ମାତର ମେଇଁନେ ଆଡ଼ାଡ଼ା କ୍ଲିଗ୍‌ତା ବାବ୍‌ରେ ପାଙ୍ଗ୍‌ଡ଼ିଙ୍ଗ୍‌କେ ।

ବାରି ମୁଇଁତର ଝେନ୍‌ସାଃ ପାଉଲ୍‌ନେ ଇକ୍‌ଚା

୧୭ ବୟାଁଇଁ ଉଡ଼ିବେଲା ଇଃକୁଡ଼ା ବେଲା ନ୍‌ସା ପେନେ ଡାଗ୍ରାବାନ୍ ନେନେ ସ୍ତୁ ନେଲେଃଗେ ମାତର ଗାଗ୍‌ଡ଼େ ରକମ୍ ଆଡ଼ ଅରିଆ ନେଃଲେଃଲ୍ଲା ଡିଗ୍ ନେଃନେ ଚିନ୍ତା ଡିଙ୍ଗ୍ ନେଡ଼ିଙ୍ଗ୍ ବାରି ଆରି ମୁଇଁତର କିକେ ନ୍‌ସାଃ ନେନେ ଉଃଡ଼ି ଇକ୍‌ଚା ଡିଙ୍ଗ୍‌ନେଡ଼ିଙ୍ଗେ । ୧୮ ପେନେ ଡାଗ୍ରା ଆଣ୍ଡେନ୍‌ସାଃ ଆନେକେ ଜାବର୍ ଇକ୍‌ଚା ଲେଃଗେ ବାରି ନେଙ୍ଗ୍ ପାଉଲ୍ ନିଜେ ଆଣ୍ଡେ ପାଙ୍ଗ୍‌ନ୍‌ସାଃ ଉଡ଼ି ତର ଚେସ୍‌ଟା ଡିଙ୍ଗ୍‌ଣ୍ଡିଗେ ମାତର ସୟତାନ୍ ଆନେକେ ଆକ୍ ଅରିଆ ଆଃଅର୍‌କେ ବିଃକେ । ୧୯ ମେଁ ମେଃଡ଼ିଙ୍ଗ୍‌ଲେଃ ନେଙ୍ଗ୍‌ନେ ଆସା ନେନେ ମାପୁ ଜିସୁକେ ବାରିପାଙ୍ଗ୍‌ନେ ବେଲା ମେଁନେ ସେନ୍‌ଗ୍ ବିନ୍‌ଣ୍ଡେଇଁ ସୁଗୁଆ ପେ ଡିଗ୍ ନେନେ ଆସା ସାଦା ବାରି ଜିଡେନେ ଗରବ୍‌ନେ କାରନ୍ ଡିଙ୍ଗ୍‌ଏ । ୨୦ ପେଇଁ ତ ନେନେ ମ୍ଲେଡ଼୍ୟା ବାରି ଆସିବାଦ୍ ।

୩

୧ ✨ଆଥେନ୍‌ସନ୍‌ନିଆ ନେନେ ବାରି ତେଃ ମାୟାଚେଃ ଆଥେନ୍‌ସନ୍‌ନିଆ ମୁଇଁଜା ପ୍ଲାଃ ଲେନ୍‌ସାଃ ଆଃମେଁ ମ୍ଲେଗେ; ୨ ମାତର ଆପେକେ ବପୁ ଡିଙ୍ଗ୍‌ନେସା ବାରି ପେନେ ବିସ୍‌ବାସ୍ ଡାଗ୍ ଆଡ଼ିଙ୍ଗ୍ ନ୍‌ସା ପେନେ ଡାଗ୍ରା ନେବୟାଁ ଡିମ୍‌ଡିକେ ନେବେଏ । ମେଁ ନେ ଏଡେ କିସ୍‌ଟନେ ନିମାଣ୍ଡା ସାମୁଆଁ ବାସଙ୍ଗ୍‌ଚେଃ ଇସ୍‌ପର୍‌ନେ ଜଡନ୍ ଡିଂଆର୍‌ଡିଂକେ । ୩ ଡାଗ୍‌ଲା ସଡେଆଃ ପେଇଁ ପେମ୍‌ସାଃକେ ନେନେ ଡେକ୍‌ରକମ୍ ବାବ୍‌ରେ କଷ୍ଟ ନେଃଡିଂ ଆକେନ୍ ଇସ୍‌ପର୍‌ନେ ଇକ୍‌ଚା । ୪ ପେ ଏଡେ ଲେଃନେ ବେଲା ନେନେ ଅଃସେଆଃ ଆଃଅଁ ନେବଗେ ଜେ ଆନେକେ ଦୁକ୍ କସ୍ ବଗେନେ ଡିଂଏ । ଏଃକେ ପେ ପେମ୍‌ସାଃକେ ଜେ ଚିକ୍ ଆଡେନ୍‌ଆଃ ଗଟେକେ । ୫ ଆଡେନ୍‌ସା ନେଙ୍ଗ୍ ଡିମ୍‌ଡିକେ ମ୍ଲେକେ । ସଡେଆଃ ମେଁନେ ସୟତାନ୍ ଆପେକେ ପରିକ୍ୟା ଡିଙ୍ଗ୍‌ବଏ ବାରି ନେନେ ସାପା କାମ୍ ସରାଃ ଡିଙ୍ଗ୍‌ଝେଏ ? ଶୁଆକେନ୍ ଅଃନା ଡିଗ୍ ଆଡିଂ ଶୁ ।

୬ ✨ଆକ୍‌ବାନ୍ ପେନେ ଡାଗ୍ରା ଆଣ୍ଡେଚେଃ ଡିମ୍‌ଡି ପେନେ ବିସ୍‌ବାସ୍ ବାରି ଆଲାଦ୍ ବିସୟରେ ନିମାଣ୍ଡାକବର୍ ଡୁଙ୍ଗ୍‌ପାଙ୍ଗ୍‌ବ । ମେଁ

✨ ୩:୧ ୩:୧ ପ୍ରେରିଡ୍ ୧୭:୧୫. ✨ ୩:୬ ୩:୬ ପ୍ରେରିଡ୍ ୧୮:୫.

ଆନେକେ ଆଃଅଁବକେ ଜେ ଯେ ସାପାରେ ନେନେ ଆସିର୍ବାଦ୍ ତିଙ୍ଗ୍‌ପେତିଙ୍ଗ୍ ବାରି ନେନେ ତିରକମ୍ ଆପେକେ କିକେନ୍‌ସାଃ ଇକ୍‌ଚା ତିଙ୍ଗ୍‌ନେତିଙ୍ଗ୍‌କେ ଯେ ତିର୍ ଦେଡ଼ରକମ୍ ଆନେକେ କିକେନ୍‌ସାଃ ଇକ୍‌ଚା ତିଙ୍ଗ୍‌ପେତିଙ୍ଗ୍‌କେ ।^୭ ତେସା ଅ ବୟାଁଇଂ ପେନେ ବିସ୍‌ବାସ୍ ନ୍‌ସାଃ ନେନେ ସାପାରେନେ ଦୁକ୍ ବାରି କସ୍ ବଗେନେ ପେନେ ବିସ୍‌ୟରେ ସାନ୍ତି ବାପେତିଙ୍ଗ୍‌କେ ।^୮ ନେନେ ଏଃକେ ନେମ୍‌ସାଃକେ ଜେ ଯେ ତାଟ୍ ବାବରେ ମାପୁ ଏତେ କୁଡ଼େଃମାଡ଼େଃତେ ରୁଆ ତିକେଃ ତିଙ୍ଗ୍‌ନେତିଙ୍ଗ୍‌କେ ।^୯ ଏବେ ପେନ୍‌ସାଃ ନେନେ ଆଣ୍ଡିନେ ସାର୍ଦା ବାନେଲେଃକେ ଆତେନ୍‌ସାଃ ଇସ୍‌ପର୍‌କେ ତିରକମ୍ ଦନ୍‌ସାଦ୍ ନେବିଃଏ ମ୍‌ସାଃ ନେୟାକେ ଶୁ ।^{୧୦} ପେନେ ବିସ୍‌ବାସ୍‌ରେ ମେଁନେ କିରି ଗଣ୍ଡାଃ ଲେଃକେ ଆତେନ୍ ପୁରା ଆଃତିଙ୍ଗ୍‌ନ୍‌ସାଃ ନେନେ ଯେ ଏତେ ତିରକମ୍ ନେଅବାଏ ଆକେନ୍‌ସାଃ ପ୍ରାଃମିତିର୍ ପାର୍‌ତନା ତିଙ୍ଗ୍‌ନେତିଙ୍ଗ୍‌କେ ।

^{୧୧} ନେଁଇଂନେ ଆବା ଇସ୍‌ପର୍ ବାରି ମାପୁ ଜିସୁ ନେନେ ଗାଲି ଆଃର୍ମେ ବିଃଲେଃ ।^{୧୨} ଯେ ଆଡ଼ାଡ଼ା ନେନେ ଆଲାଦ୍ ତିରକମ୍ ମ୍‌ସାଃ, ଦେଡ଼ରକମ୍ ନିଜର୍ ନିଜର୍ ବିତ୍ରେ ବାରି ବିନ୍‌ରେ ଆଡ଼ାଡ଼ା ମାପୁରୁ ଆପେକେ ଆଲାଦ୍ ଆମ୍‌ଲେଃ ।^{୧୩} ଦେକ୍ ରକମ୍ ବାବେ ମେଁ ଆପେକେ ବପୁ ଆଃତିଙ୍ଗ୍‌ଏ । ତେଲା ନେନେ ମାପୁ ଜିସୁ ଉଃଡ଼ିବେଲା ଦରମ୍ ରେମ୍‌ଆଁଇଂ ଏଃତେ ଆଣ୍ଡେ ପାଙ୍ଗ୍‌ଏ, ଅଃତେନ୍ ବେଲା ଯେ ଆବା ଇସ୍‌ପର୍‌ନେ ସେନ୍‌ଗ୍ ଦରମ୍ ବାରି ପବିତ୍ର ତିଙ୍ଗ୍‌ପେଲେଃଏ ।

୪

ଇସ୍‌ପର୍‌ନେ ମୁଆଃନ୍‌ନିଆ ନିମାଣ୍ଡା ତିଙ୍ଗ୍‌କ୍ଲେ ରକମ୍ ଜିବନ୍

^୧ ଅ ବୟାଁ ବାରି ତନାଇଂ ଇସ୍‌ପର୍‌କେ ଆଃମାନେ ନ୍‌ସାଃ ତିରକମ୍ ରୁଆ ତିକେଃ ତିଙ୍ଗ୍‌ନେ ତିଙ୍ଗ୍‌ଏ, ଆତେନ୍ ନେନେ ବାନ୍ ସିକେ ପେଲେଃକେ । ବାକି ଦେଡ଼ରକମ୍ ଯେ ରୁଆ ତିକେଃ ତିଙ୍ଗ୍‌ଚେଃ ପାଙ୍ଗ୍‌ପେତିଙ୍ଗ୍‌କେ, ମାତର୍ ଆକ୍‌ବାନ୍ ମେଃଡ଼ିର୍ ଜାବର୍ ତିଙ୍ଗ୍‌ନ୍‌ସାଃ ଆପେକେ ନେନେ ଏଃକେ ମାପୁ ଜିସୁନେ ମିରେ ସାର୍‌ଲ ନେତିଙ୍ଗ୍ ।^୨ ନେ ମାପୁ ଜିସୁନେ ଅଦିକାର୍‌ରେ ଆଣ୍ଡିନେ ଆଦେସ୍ ବିନେବଗେ ଆତେନ୍ ଯେ ମ୍ୟା ପେଲେକେ ।^୩ ଇସ୍‌ପର୍ ଇକ୍‌ଚା ତିଙ୍ଗ୍‌ତିଂକେ ଯେ

ନିଜେ ଅତ୍ତାରେଗ୍ ପାପ୍‌ବାନ୍ ସ୍ମୃତେ ପବିତ୍ର ଲାଃଲାପା । ୪ ସାପାରେ ନିଜେ ନିଜେନେ କୁନେ ଏଃତେ ତିରକମ୍ ପବିତ୍ର ସନ୍‌ମାନରେ କୁଆ ତିକେଃ ତିଙ୍ଗ୍‌ନେ ଦରକାର୍ ଆତେନ୍ ପେ ମ୍ୟାଃନେ ତିଂଏ । ୫ ଇସ୍‌ପରକେ ମ୍ୟାଃ ଆଲେଃଆରକ୍ନେ ରେମୁଆଁଇଂନେ ସୁଗୁଆ ଅତ୍ତାରେଗ୍ ଆତିଂଗେପା । ୬ ଜା ତିଗ୍ କିସ୍‌ଟ ବିସ୍‌ବାସି ତିଙ୍ଗ୍‌କ୍ନେ ବୟା ଆଡାଡା ଅନ୍‌ୟାୟ ବେବଆରୁ ଆତିଙ୍ଗେପା ବାରି ଆମେକେ ଆଜଟେଗେପା । ଆକେନ୍ ସାମୁଆଁ ଅଃସେ ଆଃ ବାସଙ୍ଗ୍ ନେବଗେ ଆରି ତାଟ୍ ବାବରେ ତରକ୍ ଆଃତିଙ୍ଗ୍‌ନେବକେ ଜେ ଜାଣ୍ଟେଇଂ ଦେଡ୍ ରକମ୍ ତିଙ୍ଗ୍‌ଆରଏ ମାପୁ ଆମେଇଂକେ ସାସ୍ତି ବିଏ । ୭ ଇସ୍‌ପର ଆନେକେ ଆରୁଲେଃ କୁଆ ତିକେଃ ତିଙ୍ଗ୍‌ନ୍‌ସାଃ ଆଞ୍ଜାକେ ଶ୍ଟୁ ପବିତ୍ର ତିଙ୍ଗ୍‌ରେଃ ଲେଃନ୍‌ସାଃ ନେନେ ପାଙ୍ଗ୍‌ନେଲେଃକେ । ୮ ତେସା ଜା ତିଗ୍ ନେନେ ଆକେନ୍ ସିକ୍ୟାକେ ଅମାନି ତିଙ୍ଗ୍‌ଏ ମେଁ ମାତର୍ ରେମୁଆଁକେ ଆଡର୍ ଶ୍ଟୁ ପବିତ୍ର ଆମ୍ବାବିଃଶ୍ଟେ ଇସ୍‌ପରକେ ଅମାନ୍ୟ ତିଙ୍ଗ୍‌ଏ ।

୯ କ୍ରିସ୍ଟୁ ବିସ୍‌ବାସି ପେନେ ଆଲାଦ୍ ତିଙ୍ଗ୍‌କ୍ନେ ବିସ୍‌ୟରେ ନେନେ ଆରି ଜାବର୍ ଗୁଆରୁ ଶ୍ଟୁ । ନିଜେ ନିଜେକେ ତିରକମ୍ ଆଲାଦ୍ ତିଙ୍ଗ୍‌ନେ ଦରକାର୍ ଆକେନ୍ ଇସ୍‌ପରବାନ୍ ମ୍ୟାଃ ପେଲେଃକେ । ଆତେନ୍ ତିଂନ୍‌ସାଃ ଆମ୍ବେଡିଆ ବିଃନେତିଂକେ । ୧୦ ସତେଆ ସାପା ମାସିଦୋନିଆନେ ବୟାଈଂନେ ଆଡାଡା ପେ ଦେଡ୍‌ରକମ୍ ବାଃଲିର୍‌ବାଃତା ତିଙ୍ଗ୍‌ପେବକେ । ତେସା ବାରି ଗୁଲୁଏ ମାଡାରେ ଆତେନ୍ ତିଙ୍ଗ୍‌ପା ଆପେକେ ଅଃକେନ୍ ମୁଇଙ୍ଗ୍ ସାରଲଟେଃ ଗୁଆରେ ଶ୍ଟୁ । ୧୧ ସିସେବାନ୍ ତିରକମ୍ ବାସଙ୍ଗ୍ ନେବଗେ ସାନ୍ତିରେ କୁଆ ତିକେଃ ନେତିଙ୍ଗ୍‌ପା ନିଜର୍ କାମ୍‌ନିଆ ମନ୍ ବିଃଚେ ନେଃତିଙ୍ଗ୍‌ପା ବାରି ନିଜେ ନିଜର୍‌ନେ ଜିବକା ଆଃମେନେ ପେନେ ଇକ୍‌ଟା ତିଂଲେଃ । ୧୨ ଦେକ୍‌ରକମ୍ ତିଂନେବାନ୍ ପେନେ ବିସ୍‌ବାସ୍ ଆତିଙ୍ଗ୍‌କେଶ୍ଟେ ବାନ୍ ତିଗ୍ ସନ୍‌ମାନ ବାଏ ବାରି ପେନେ ସର୍‌ତେ ଦରକାର୍ ନ୍ୟା ଆମ୍ବାନିଆ ଆସା ତିଙ୍ଗ୍ ଇୟାଏ ।

ମାପୁ ପାଙ୍ଗ୍‌ନେ

୧୩ ଅ ବୟାଈଂ ଗୁଏଃକ୍ନେ ରେମୁଆଁ ବାଲେଃକ୍ନେ ରେମୁଆଁଇଂ ବିସ୍‌ଏରେ ମୁଇଙ୍ଗ୍ ସଡ୍ ସାମୁଆଁ ଆପେକେ ଆଃଅଁନ୍‌ସା ଚାଏଁନେଶ୍ଟିଂକେ । ତେଲା ପେ ଆରି ସରାଃ ଆସାକ୍ନେ ରେମୁଆଁଇଂ ସୁଗୁଆ ପେଅଃ ଶ୍ଟୁ

। ୧୪ ନେନେ ବିସ୍ବାସ୍ ତିଙ୍ଗନେତିଙ୍ଗକେ ଜେ ଜିସୁ ତାଗ୍ରା ବିସ୍ବାସ୍ ତିଙ୍ଗରେଃ ଜାତିଗ୍ ଗୁଏଃଝେଏ ଜିସୁ ପାଙ୍ଗନେ ବେଲା ଇସ୍ପର୍ ଆମେଇଂକେ ଜିସୁ ଏଃତେ ତୁଙ୍ଗଝେଏ ।

୧୫ ☆ନେନେ ଏକେ ଆପେକେ ମେଁ ସିକ୍ୟା ନେବିକେ ଆତେନ୍ ମାପୁନେ ସିକ୍ୟା । ମାପୁନେ ପାଂନେ ବେଲା ନେନେ ଜା ଜାନେ ଜିବନ୍ ଲେଃଏ ଅଃସେବାନ୍ ପର୍ରେମୁଆଁ ବାଲେଃଝେ ରେମୁଆଁବାନ୍ ସିସେରେଃ ଲାଗ୍ତ ନେଃୟା ଶୁ । ୧୬ ଅଃତେନ୍ ବେଲା ଜାବର୍ କିରରେଃ ମୁଇଙ୍ଗ୍ ଆଦେସ୍ ତାର୍ଏ ମ୍ଲା କିତଂ ଦୁଡ଼ଇଂନେ ସର୍ବଦ ମ୍ଲ୍ୟ ଇସ୍ପର୍ନେ ପ୍ଲିଃ ପିଃନେ ନେଅଁଏ ବାରି ମାପୁ କିତଂବାନ୍ ଜାର୍ଏ । କ୍ରିସ୍ତନେତାଗ୍ରା ବିସ୍ବାସ୍ ତିଙ୍ଗରେଃ ଜାଣ୍ଡେଇଂନେ ମରନ୍ ତିଂଲେଃଝେକେ ମେଇଙ୍ଗ୍ ସେନୁଗ୍ ସାଜବାଜ ତିଂରେଃ ତଃଡ଼ିଆ ଆର୍ଏ; ୧୭ ଇଡ଼ିଙ୍ଗ୍ ଜାଣ୍ଡେଇଂ ଆତେନ୍ ବେଲା ମ୍ଲ_ଲେଃଏ ତ୍ରିଗ୍ଡିଆନ୍ନିଆ ମେଇଂ ଏଃତେ ତଡ଼ିଆଃତେ କିତଂନ୍ନିଆ ମାପୁ ଏତେ ନେମିସୁଃଏ । ଇଡ଼ିଙ୍ଗ୍ ନେନେ ଗୁଏଃ ତୁଆ ଜାକ ମାପୁ ଏଃତେ ନେଃଲେଃଏ । ୧୮ ଆକେନ୍ ସାପା ବ୍ଲାଃଲିର୍ ଆଃଅଁରେଃ ପେଇଂ ନିଜେ ନିଜେକେ ଆମ୍ଲେଡ଼ିଆଃ ଆଃଡ଼ିଙ୍ଗ୍ପା ।

୫

ମାପୁନେ ପାଙ୍ଗନ୍‌ସା ତିଆର୍ ତିଙ୍ଗ୍ ଲାଲାପା

୧ ବୟାଁ ବାରି ତନାଇଂ ଆକେନ୍ ସାପା ବିସ୍ମ୍ ଅଃନା ବାରି ତିଃଡ଼ି ତିଙ୍ଗରେଃ ଗଚେଏ ଆତେନ୍ ବିସ୍ଏରେ ପେନେ ତାଗ୍ରା ମେଃଡ଼ିଗ୍ ଗୁଆରନେ ଦରକାର୍ ଶୁ ୨ ତାଗ୍ରା ମିଡ଼ିଗ୍ବ ତଙ୍ଗାରେ ଗାକ୍ଲେ ରକମ୍ ମାପୁନେ ଦିନ୍ ପାଙ୍ଗ୍ଏ । ଆକେନ୍ ପେଇଂ ନିମାଣ୍ଡା ମ୍ୟାଃ ପେଲେଃଝେକେ । ୩ ସାପା ସାକ୍ତି ବାରି ନିମାଣ୍ଡା ତାଗ୍ରେ ରେମୁଆଁଇଂ ବାସଙ୍ଗ୍ରେ ମାଚିନ୍ତା ଲେଃନେବେଲା ମାରିଆଃଡୁଗ୍ ମେଇଙ୍ଗ୍ ଆଡ଼ାତ୍ରା ବିପଦ୍ ତା ତୁଂପାଙ୍ଗ୍ଏ । ଗାଗଡ଼େ ଆଃବାଲେକ୍ଲେ ସେଲାମ୍‌ୟ୍‌ନେ ଶ୍ରିଆକୁମା କସ୍ତ୍ ସୁଗୁଆ ଆତେନ୍ ଆମ୍ୟାକେ ସୁଗୁଆ ମାରିଆଃଡୁଗ୍ ପାଙ୍ଗ୍ ପେଂଚାଃଏ ବାରି ଜାତିଗ୍ ମେଁନେ ସାମ୍ବାବାନ୍ ଲାଗ୍ତ ଆୟା ଶୁ ୪ ମାତର୍ ବୟାଁଇଂ ପେ ତାକ୍‌କିଗ୍‌ନ୍ନିଆ ପେବାସାକେ ଶୁ ତେଲା ଆତେନ୍ ଦିନାଆଃ

☆ ୪:୧୫ ୪:୧୫ ୧ କରିନ୍ତିୟ ୧୫:୫୧,୫୨.

ପେନେ ତାଗ୍ରା ଆମ୍ୟାଃକେ ସୁଗୁଆ ଡଙ୍ଗାରେ ରକମ୍ ଆପେଂଠାଃ
 ଶୁ । ^୫ ପେ ସାପାରେ ତାରକିଗ୍ ବାରି ତାଂକିଗ୍ନେ ଉଙ୍ଗଡେ ଶୁ ।
 ନେନେ ମିଡିଗ୍ ବାରି ତାଂକିଗ୍ନେ ତାଆଁ ନେଡିଂ ଶୁ । ^୬ ଡେସା ନେନେ
 ବିଶ୍ଟେ ସୁଗୁଆ ମାଡୁଲେଗ୍ରେଃ ତରକ୍ ବାରି ଆଃପୁଆ ନେଃଲେଃପା
 । ^୭ ରେମୁଆଁଇଂ ମିଡିଗ୍ ବେଲା ତୁଲେଗ୍ମ୍ୟାଆରକେ; ମିଡିଗ୍ ବେଲା
 ମେଇଙ୍ଗ୍ ଉଗ୍ରେଃ ବୁସାଃ ଲେଃଆରକ୍ । ^୮ ମାତର୍ ନେନେ ସ୍ଥିନେ
 ଗଡେଇଂ ବାରି କାଲାଆଃ ତରକ୍ ନେଃଲେପା । ଏଲାପା ବିସ୍ବସ୍ରେ
 ବାରି ଆଲାଦ୍ ତିଂରେ ସାଜସଜା ସଃରେ ବାରି ଉଦାର୍ନେ ଆସା
 ରକମ୍ନେ ଉଦାର୍ନେ ବାଆ ସାଜ ନେଃସପା । ^୯ ଇସ୍ପର୍ ଆନେକେ
 ମେଁନେ ରିସାନେ ଉଂଡେ ତିଙ୍ଗ୍ନେସାଃ ସ୍ତ୍ରୀ ଆବକେ ଶୁ; ମାପୁ ଜିସୁ
 କିସ୍ତ ତାଗ୍ରା ଆନେକେ ଉଦାର୍ ଆଃଡିଙ୍ଗ୍ନେସାଃ ଏଡେ ବକେ ।
^{୧୦} କ୍ରିଷ୍ଟ ପାଙ୍ଗ୍ନେ ବେଲା ନେନେ ଆକେନ୍ ଜିବନ୍ରେ ଗୁଏନେଲେ କି
 ମ୍ନ_ନେଲେ ମେଁ ଏଡେ ତିରକମ୍ କୁଡେରେ ନେଲେଃଏ ଆଡେନ୍ସା ମେଁ
 ନେଃଆଡୁଲା ଗୁଏକେ । ^{୧୧} ଡେସା ଏଃକେ ତିରକମ୍ ତିଙ୍ଗ୍ ପେଡିଙ୍ଗ୍
 ଟିକ୍ ଦେଡୁରକମ୍ ନେନେ ବିଡ୍ରେ ନେରାମ୍ଲେଡିଆପା ବାରି ସାଇଜ
 ତିଙ୍ଗ୍ବପା ।

ତାକ୍ନେ ଆଦେସ୍ ବାରି ସାରଲ

^{୧୨} ବୟାଁ ବାରି ତନାଇଂ ଜାଣ୍ଟେଇଂ ପେନେ ବିଡ୍ରେ କାମ୍
 ତିଂଆଡିଂକେ ବାରି କ୍ରିଷ୍ଟ ଜିବନ୍ନିଆ ଆପେକେ ସାଆ ତିଂଆଡିଂକେ
 ବାରି ଆଃସୁଏ ବିଃଡିଂକେ ଆମେଇଂକେ ସନ୍ମାନ୍ ବିନ୍ସାଃ ନେନେ
 ଆପେକେ ଗୁଆରେ ତିଙ୍ଗ୍ନେଡିଙ୍ଗ୍ । ^{୧୩} ମେଇଙ୍ଗ୍ କାମ୍ ନସା
 ଆମେଇଂକେ ଗର୍ବେ ବିଡ୍ରେ ସନ୍ମାନ୍ ବାରି ଆଲାଦ୍ ତିଂପା । ପେ
 ପେନେ ବିଡ୍ରେ ସାନ୍ତିରେ ଲାଃଲାପା ।

^{୧୪} ବୟାଁ ବାରି ତନାଇଂ ଆପେକେ ନେନେ ସାରଲ; ଜାଣ୍ଟେଇଂ
 ସ୍ନେ ଆଃଡିଙ୍ଗ୍ଣେକେ ତରକ୍ ଆଡିଙ୍ଗ୍ପା ବୁଟ୍ଣେକେ ସାଦା ଆଡିଙ୍ଗ୍ପା
 ଅସକ୍ତିଆଇଂକେ ସାଇଜ୍ୟ ତିଙ୍ଗ୍ପା ବାରି ସାପାରେନେ ଆଡାଡା
 ସମ୍ଭାଲେପା । ^{୧୫} ଜାଣ୍ଟେ ଜାନେ ଅନ୍ୟାୟ୍ ବାଟା ଅନ୍ୟାୟ୍ ଆଡିଙ୍ଗ୍ଲେ
 ଶୁଲ୍ଲା ମୁଇଂଜା ବିନ୍ଶ୍ଟେନେ ବାରି ସାପାରେନେ ମଙ୍ଗଲ୍ ତିଙ୍ଗ୍ନେସାଃ
 ପେ ଚାଏପା ।

୧୭ କାଲାଆଃ ସାର୍ଦ୍ଦାରେ ଲାଲାପା । ୧୭ କାଲାଆଃ ପାର୍ତନା ଡିଙ୍ଗାପା । ୧୮ ସାପା ଦୁକ୍ସୁକ୍ରେ ଦନ୍ୟବାଦ୍ ବିଃପା । ଆକେନ୍ ଇସ୍ପର୍ନେ ଇକ୍ଟା ଜେ ପେ ଜିସୁ କିସ୍ଟ ଏଡେ କୁଡ଼େଃରେ ବୁଆଡିକେଃ ଡିନେସାଃ ପେନେବାନ୍ ଇସ୍ପର୍ ଆକେନ୍ ଆଃଉର୍ ଆର୍ସ ।

୧୯ ପବିତ୍ର ଆମ୍ବାକେ ଆଦୁସେଗେପା । ୨୦ ମାପୁରୁନେ ବ୍ଲାଉକେ ଅମାନି ଆଡିଙ୍ଗାପା । ୨୧ ସାପା ବିସ୍ପର୍ରେ ପରିକ୍ୟା ଡିଙ୍ଗାରେ କେଲା; ଆଣ୍ଡିନେ ସଡ୍ ଆଡେନ୍‌କେ ଗ୍ରାଅନ୍ ଡିଂପା; ୨୨ ସାପା ରକମ୍‌ନେ ଦନ୍ୟା କାମ୍‌ବାନ୍ ସ୍ଲୁ ଲାଃଲାପା ।

୨୩ ମୁଡି ଇସ୍ପର୍ ଆନେକେ ସାନ୍ତି ବିଃମ୍ୟାକେ ମେଁ ଆପେକେ ପୁରାପୁରି ବାବ୍‌ରେ ପବିତ୍ର ଆଃଡିଲେ ବାରି ନେନେ ମାପୁ ଜିସୁ କିସ୍ଟ ପାଙ୍ଗନେ ବେଲା ପେନେ ସାପା ଜିବନ୍ ମନ୍ ଆମ୍ବା ଗାଗ୍‌ଡେକେ କ୍ଲିଗ୍‌ଡା ବାବ୍‌ରେ ଦସ୍ ଆବଗେପା । ୨୪ ଜା ଆପେକେ ଖାବକେ ମେଁ ଆଡେନ୍ ଡିଙ୍ଗାଏ ଡାଗ୍ଲା ମେଁ ବିସ୍‌ବାସ୍‌ରେ ଲେଃକେ ।

୨୫ ଅ ବୟ୍‌ଇଂ ନେନ୍‌ସା ଡିଗ୍ ପାର୍ତନା ଡିଙ୍ଗାପା ।

୨୬ ସାପା ବିସ୍‌ବାସି ବୟ୍‌ଇଂକେ ପବିତ୍ର ବୈନ୍ତା ବିଃରେ ସାର୍‌ଲପା ।

୨୭ ମାପୁ ବାନ୍ ଅଦିକାର୍ ବାଲ୍‌ଲେଃଗେସା ନେଙ୍ଗ୍ ଆପେକେ ଗୁଆରେ ଡିଙ୍ଗାଣ୍ଡିକେ ସାପା ବିସ୍‌ବାସିଇଂ ଡାଗ୍‌ରା ଏନ୍ ଡଲିଆ ପଡ଼େପା ।

୨୮ ମାପୁ ଜିସୁ କିସ୍ଟନେ ଦୟା ସାପାରେ ଡାଗ୍ଲା ଲେଃଲେଃ ।

ସତ୍ ଗାଳି
The New Testament in the Gata' language of India: ସତ୍
ଗାଳି (Bible)

copyright © 2020 The Word for the World International

Language: Didayi (Gata')

Contributor: The Word for the World International

ସତ୍ ଗାଳି
ଯାଶୁ ମାପୁରୁନେ ନି ନିଅମ୍, 2020

The Gata Didayi Testament Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-09

PDF generated using Haiola and XeLaTeX on 21 Feb 2024 from source files dated 9 Apr 2023

cd536811-9eb4-56d5-9546-afaca24c958c